



Broj: 04-16-4-8486-52/20
Sarajevo, 25.01.2021. godine

Na osnovu člana 61. Zakona o upravi („Službeni glasnik BiH” br. 32/02, 102/09 i 72/17) i člana 70. stav („Službeni glasnik BiH”, broj: 39/14), ministar sigurnosti Bosne i Hercegovine d o n o s i

O D L U K U

o poništenju Odluke o izboru najpovoljnijeg ponuđača u postupku javne nabavke „Nabavka kompjuterske opreme“ – LOT 1 Nabavka IT opreme za potrebe Ministarstva sigurnosti BiH

Član 1.

Poništava se Odluka o izboru najpovoljnijeg ponuđača u postupku javne nabavke „Nabavka kompjuterske opreme“ – LOT 1 Nabavka IT opreme za potrebe Ministarstva sigurnosti BiH, 04-16-4-8486-34/20 od 29.12.2020. godine, radi odustajanja izabranog ponuđača “ELUR” d.o.o. Kiseljak od potpisivanja ugovora.

Član 2.

Za realizaciju ove Odluke zadužuje se Sektor za pravne, kadrovske, opšte i finansijsko-materijalne poslove. Ova Odluka će se objaviti na web stranici Ministarstva sigurnosti BiH (www.msb.gov.ba) te će biti dostavljena ponuđaču „ELUR“ d.o.o. Kiseljak.

Član 3.

Ova Odluka stupa na snagu danom donošenja.

Obrazloženje

Ministarstvo sigurnosti BiH je dana 29.12.2020. godine Odlukom o izboru najpovoljnijeg ponuđača u postupku javne nabavke „Nabavka kompjuterske opreme“ – LOT 1 Nabavka IT opreme za potrebe Ministarstva sigurnosti BiH, 04-16-4-8486-34/20 od 29.12.2020. godine izabralo ponuđača “ELUR” d.o.o. Kiseljak, jedinog ponuđača u predmetnom postupku, da se postupak dodjele Ugovora nastavi sa ponuđačem “ELUR” d.o.o. Kiseljak, ukupna cijena ponude 32.900,00 KM bez PDV-a.

Ponuđač „ELUR“ d.o.o. Kiseljak je ugovornom organu dostavio pismeni akt, broj: _01_/20 od 11.01.2021. godine, o odustajanju od potpisivanja Ugovora u postupku 04-16-4-8486/20 odnosno u postupku javne nabavke „Nabavka kompjuterske opreme“ – LOT 1 Nabavka IT opreme za potrebe Ministarstva sigurnosti BiH. Ponuđač je u navedenom aktu naveo da nije u mogućnosti potpisati predloženi Ugovor te odustaje od istog. U nastavku akta navedeno je obrazloženje razloga za odustajanje „*Nakon konsultacija sa distributerima od kojih smo dobili ponudu za isporuku opreme ustanovili smo da su oni razumjeli da se uz svaki printer i faks dostavlja samo po jedan dodatni toner te su tako i davali nama ponude. Dakle, u ponudama koje smo mi dobili pa tako i ponudi koju smo mi dali, obuhvaćeno je ukupno 5+5=10 dodatnih originalnih tonera. Njihova orijentaciona cijena je oko 170,00 KM/kom što ukupno iznosi oko 1700,00 KM. Kako je vaše obrazloženje da se treba isporučiti 25+25=50 kom dodatnih*

originalnih tonera to se nabavna cijena rastično povećava na 8500,00 KM. Ovakvu cijenu mi ne možemo podnijeti u našoj ponudi od 32900,00 KM, u kojoj je, dakle, ukalkulirano 10 dodatnih tonera, a ne 50 kako ste nam objasnili. Za ovoliki broj dodatnih tonera budžet je trebao biti najmanje 40000,00 KM.“

Cijeneći naprijed navedeno odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi najkasnije u roku od 10 (deset) dana od dana prijema ove Odluke.

Dostavljeno:

- ELUR d.o.o. Kiseljak
- Sektor za pravne, kadrovske, opšte i
 finansijsko-materijalne poslove
- Glasnogovornik
- a/a

MINISTAR
dr. Selmo Cikotić

